



HISTOR AN ERMIT YAN GUERIN.

CHRISTENIEN devot d'ar Verc'hes
Evidomp olt Advocades,
Clevet un Histor manific
Approuvet mat hac autantic.

Clevet hoc'h eus , me oar erfat ,
Coms eus a Vontagn Monserrat ,
Ur plac dediet d'ar Verc'hes ,
En eë hac en douar Rouanez.

Peder leo antier contet mat
A so d'ober tro Montserrat ,
Ur Montagn a ur men antier ,
Admirabl en he huelder.

Evit he situation
So sez leo diouz Barcelon ;
Me gred n'en deus var an douar
Un all hac a ve desi par.

Rac var ar men-mâ ententet
A bep seurt louzou so savet ?
Fourd lis, roz ha bep seurt plant
En han hac er gouan fleurissant.

Eno gueich-all , eme ar scrit ,

Approuvet e oa un Ermit ,
E hano oa Breur Yan Guerin ,
Un den vertuzus ha dñin.

Eno en doa un Ermitach ,
Hac ur c'havarn evit partaich ,
Ar grision lousou evit bouet ,
Evit guele douar calet.

Continuel en Oræson ,
Ynou ha meditation ;
E nep feçoun an den Santel
Na gommette pec'het marvel.

Mæs an Diaoul so e pep tremen
O clasq tenti ar Gristenien ,
Finessaou a invantas ,
Ha dre pere en decevas.

Furmi a ra gant diligeanc
Ur c'havarn-all en apparanc ,
Ha quemeret dre illusion
Habit un Ermit a feçon.

Monet a ra da saludi
Breur Yan Guerin betec e dy ,
Da ober dezàn compliment
Dre comsou caër hac eloquant.

Bonjour deoc'h dre guir amour ,
Va Breur Doue , eme an traïtour ;
Amezeyen omp-tost meurbet ,
Ha biscoas ne oamp en em velet.

Mæs da viquen , me en assur ,
Ni a guemerro pligeadur
D'en em darempredi allies ,
Hac o conféri assambles.

An Autrou cont a Barcelon

En devoa ur Verc'h a fæçon ,
 Hac en em gave possedet ,
 D'ar poent-se gant an drouc-speret.

D'ar plaç santel e oue gouestlet ,
 Ha gant tud devot bisitet ,
 Ha conjuret an æroent ,
 En avis e gass en he hennt.

Evit peden nac oræson ,
 Offrançou na supplication ,
 Ne visent biquen deut a ben
 Da zilivra ar Femelen.

Mæs an Diaoul ne allas quet nac'h ,
 A gómsas dre c'henou ar plac'h ,
 Hac a lavaras evellen ,
 Pùblicamant e ber tremen .

Breur Yan Guerin so ermit mat ,
 A so o chom e montserrat ,
 Hac a so mignon da Zone ,
 Dre ma er servich nos ha de .

Mar cacit ho merc'h davetan ,
 Ha mar chom nao dévez gantàn ,
 Em obligeo dre e beden
 Da zilezel ar femelen .

Mæs ma ne achu an naovet ,
 Me en tou deoc'h hac a bromet ,
 Sur e retourning adarre ,
 Hac e zourmantin a neve .

Ar C'hont an drase pa glevas
 A bartias gant un train bras ,
 Da gaç e verc'h da Montserrat ,
 D'e fresanti d'an Ermit mat .

Goude m'en devoa-èn saludet ,

Hac e Verc'h dezàn presantet ,
 En er suplias humblamant
 Da conjuri an AErouant.

Incontinent Breur Yan Guerin
 A stouas prest var e zaoulin ,
 Da requeti a vir galon
 Assistanç ouz Roue an Trðn.

Goude m'en devoa conjuret
 Breur Yan Guerin an Drouc-Speret ,
 Gant mez ha gant confusion
 E sortias an ampoëson.

Ar C'hont hac e c'hompannez ,
 Ha Breur Yan Guerin assamblez ,
 A rénta graçou da Zoue ,
 Ha da Rouanez an Ele.

An Autrou Cont a suplias
 Breur Yan Guerin gant instanç braç ,
 Da viret he Verc'h un naovet ,
 D'e c'honfima e graç parset

An Ermit mat en em excusas ,
 Ha dan Autrou Cont a respondas
 N'en devoa quet a dieuez
 Da logea un seurt compagnuez.

Salocras , eme an Autrou ,
 Nemet hy e-unan a chommo ,
 Ny a yelo da draon ar menez ,
 Quen na vint achu an nao dez.

An Ermit er c'hommançamant
 E instruas puissamant ;
 Mæs he guenet hac he fæçon
 O deùs anflammet e galon.

Gant an tan a goncupissanç

N'en deus repos nac assuranc ,
Ma sorti en esper mont quit ,
Ma rancontras ar faos Ermit.

Ma contas dezàn promptamant
E oa e poan hac e tourmant ,
Hac e oa guel ganta quittat ,
Rac e speret n'alle mui pad.

Nonpas , eme ar faos Ermit ,
N'ho quelennan quet da vont quit ,
Retournet , stourmit constammant
Ous all laçou an AErouant.

Sant Anton a ouzac'h erfat .
A oa devot hac Ermit mat ,
Hac a so bet alies tentet ,
Ha bepret en deus resistet.

Er Scritur memes eo lavaret
Mar fell deomp beza curunet ,
E rencomp bepret combati
Pa zeu an drouc-AEl d'hon tenti.

Senti a ra ous e avi ,
Ha retorn a ra var e c'his ;
Mæs sellaou ar Plac'h yaouanc
En rent adarre languissant.

Un nosvez e oue quen tentet ,
Ma oue ganta dishonoret ,
Ha commettet fallagriez ,
En despet d'e oll santelez.

Pa en devoa gret ar pec'het ,
Hac e bassion contantet ,
E teu dezàn ar repentanc ,
Hac ur remors a goustianç.

Retorn a ra c'hoas da gavet ,

Ar faos Ermit ha da lavaret ,
 En devoa gret fallagriez ,
 Hac e c'houlen quelennadurez.

Me lavar dit , eme eguale ,
 Pa ouezo ar C'hont an drase
 E lacai pront o zistrugea ,
 Ha da guitaat ar bed-mâ.

Var c'hred , eme ar faos Ermit ,
 Las-hi buan hac achap quit ,
 Ha cuz-hi un tu a goste ,
 Elec'h na ouezo den doare.

Senti a ra , gant he gontel
 E treoc'h gouzouc ar Femellen ,
 Neuse en deus-hi enterret
 Elec'h biquen ne vise cavet.

Incontinent ar faos Ermit
 Eus e grim a ra ar recit ,
 Hac e teu d'ober goab anezan ,
 Incontinent o tisparissan.

Ar paour quæz a oue estonet
 O velet erfat e oa tromplet ,
 Penaos e oa an Drouc-Speret
 D'e drompla en em dransormet.

E galon leun a huanat ,
 An daelou en e zaoulagat ;
 An hent da Rom a timat ,
 Da ansao e grimou d'ar Pap.

Ebars e Rom pa arruas
 Coms gant ar Pap a c'houlennas ;
 Ma oue roet deza antre
 Hep sacon na difficulte.

Da dieit ar Pap en em daoulas ,

Cofes ganta a c'houlennas ;
 E grim en deveus anzavet
 Ar Pap en deus-èn absolvet.

Mæs dezàn e oue ordrenet
 Eur binigen rust ha calet ;
 Chelaouit-hy oll , me ho ped ,
 Biscoas e seurt n'hoc'h eus clevet.

Commandet oue dezàn gant ar Pap
 Retorn da Vontagn Montferrat ,
 Var e varlochou neuse ractal ,
 Egnis un aneval brutal.

Chom abed sez vloas evelse ,
 Hep sellet james ous an Ee ,
 Quen na zeuje ur buguel
 Da lavaret dezàn sevel.

Breur Yan Guerin a acceptas
 Ar binigen gant ur joâ vrâs :
 Var e zaou dourn hac e zaou droat
 E commanças hent Montferrat.

Me ho less da gonsideri
 Pe seurt poan , fatig hac annui
 An Ermit paour an andure ,
 Oc'h ober hir hent evelse.

Neuse gant poan ec'h arruas ,
 E binigen a guntinnas :
 Mæs allas , e sae a usas
 Gont an amser , ma oa en naos.

Ar reun , ar bleo so divoanet
 Var e gorf , ma oue da velet
 Evel un Ours pe un Oc'h goue ,
 Quement er guele a estone.

An Autrou Gont a Varcelon

A gñemeras opinion

Evel inspiret gant Doue

Da vont d'ar Montagn d'ar chasse.

Al livrini hac ar chass red

Gant ar Chavarn so arruet ,

Mæs ne gredent nemet harsal

O velet eur seur aneval.

An dud dre ar brut so redet ,

Hac oll ez int bet estonet ;

Mont unan anezo gant spont

D'ober recit d'an Autrou Cont.

Ar C'hont en deveus lavaret ,

Mar boa moyen e guemeret ,

Hep ober dezàn nep offang

Hac e digaç gant diligeanc.

Quemeret oue hep resistanc

Ha cunduet dirac Noblanç ,

Rentet da velet d'an Itron

E ty ar C'hont a Varcelon.

Er Merchaussi oue lequeet ,

Ha gant ur gorden oue staguet ,

Ha taolet dezàn da zibri

Tamou bara , evel d'ur c'hi.

Un dervez e oue preparer

E t'yn an Autrou Cont ur banquet ,

Ha conviet nombr a Noblanç ,

Evit ober rejouissanc.

Pa oñt oc'h an daol æsezet

Ar gompagnuez echoffet ,

E larjont digaç var ar plac

Dezo da velet ar Sauvach.

Eur Vagneres a ioa en ty

Gant ur Buguel daou vis pe dri ,
 Hac antreas er Sal d'an erc'h ,
 Gant ar Buguel-se var he brec'h .

Ar Buguel er c'honsideras ,
 Ha distinctamant e lavaras :
 Breur Yan Guerin , sao alesse ,
 Gret eo d'a accord gant Doue .

Incontinent an Ermit mat
 A savas prest var e daou droat ,
 Ar compagnunes estonet ,
 A chommas pell bras d'e velet .

Var e zaoulin en em laquas ,
 Dirac ar C'hont e lavaras :
 Me eo Yan Guerin ar mechant ,
 Goas evit barbar na tyran .

M'emeus ho Merc'h dishonoret ,
 Ha goude emeus hi laset :
 Raɔ-se-ta grit varnon justiç ,
 Prest oun da souffr an oll suplie .

Dezan ar C'hont a respondas
 Gant douçder , hep arroganç vras ,
 Pa zout pardonnet gant Doue ,
 Va mignon , me's pardon ive .

Incontinent an Autrou mat
 A eureu prest digas dillat ,
 Evel un den a ïoa e graç ,
 En devoa gret pinigen vras .

Varben un daou deiz goude ,
 Ar C'hont inspiret gant Doue ,
 A zesiras a galon vat
 Mont da visita Montserrat .

Hac a bedas da vont ganta

Breur Yan Guerin d'e assista ,
 Ha disques desan an andret
 M'en devoa e verc'h enterret.

Breur Yan Guerin a oue contant ,
 Hac a yeas ganta prontamant ,
 M'en em rentjont hep pell dale ,
 Assamblamant var ar Mene.

Pa onant erru e tiscuesas
 Breur Yan Guerin deso ar plaç
 M'en devoa ar Verc'h enterret ,
 Goude m'en devoa-hi laset ,
 N'o devoa nebeudic toullet ,
 An Demesel o deus cavet
 E bues , yac'h flam ha dispos ,
 Hac hi quer rus ha boquet ros.

En he gousouc e oa chommet ,
 En andret ma oue egorget ,
 Ur merquic henvel hoc'h hini
 Un neuden a seis cramoisi.

An Autrou Cont pa e guelas ,
 Digant e Verc'h a c'houlennas ,
 Petra ma oa c'hoas e bue ,
 Ha pe seurt tourmant a sante.

En instant ma ouen egorget ,
 Ha diaraoc em bca bepret
 Particulier devotion
 D'ar Verc'hes santel , va Itron .

Hy e deveus va c'honservet
 Aman hep santout poan ebet ,
 Na naon , na sec'het , na tourmant ,
 Dre c'hraç Doue , an oll-puissant ,
 Deut guenen , eme he Zad desi :

Ha me lacaï o timesi ,
M'ho lacaï en ho plijeadur ,
Gant un den ha prudant ha fur.

Salocraq , emesi , va Zad ,
Desir ameus , mar be ho craç ,
E ve gret amâ ur Gouent
E gloar da Rouanes ar Sænt.

Ma chommin ahed va bué
Er plaç-mâ da veigli Doue ,
Da drugarecat hon Autrou ,
Hac e Vam , eus o oll graçou.

An Autrou Cont a acceptas
Desir e Verc'h hac a laquas
Divar e goust hep retardamant ,
Sevel eno ur batimant.

Dont a reas hep pell dale
Merc'het devot a bep contre ,
D'accompagnuecat merc'h ar C'hont ,
O chastete a brometjont.

Breur Yan Guerin pareillamant
A lavaras e oa contant ,
Da dremen ar rest eus e vue
Da veza Directeur deze.

Eno o deus bet cunduet
Eur vuez santed ha parfet ;
Ha goude o buez mortel
Emaïnt er joa eternel.

Va Breudeur ha va C'hoarezet
A greis va c'halon me ho pet ,
Da veza devot d'ar Verc'hes.
En Ee , en Douar Rouanez ,

Nep a so enni e fizianç .

A ell beza en assuranc,
Biscoas nicun ebet collet

A guement e c'harje parfet.

Clevet hoc'heus ur miracl bras,
Gret amâ ganti dre he graç?
En andret un Demesel guez
A ïoa bet dezi devodes.

Christenien devot, me ho supli
Da veza devot da Vari,
Ha dre he moyen hac asistanc
Ho pezo en Eê recompanç. **FIN.**



E QUEMPER,

E TY S. BLOT, IMPRIMER-LIBRER.